

wënscht allen Awunner aus der Gemeng
e glécklecht a gesond neit Joer 2014



Vu lenks no riets :

Marco PEZ, Romain REITZ, Sven CONTER, Chantal SASKA-TOUSSAINT, Jean BODEN, Marc WEYDERT, Francine COLLING-KAHN, Henri FELTGEN, Patrick GROS, Françoise HETTO-GAASCH, Aly FRISCH, Gilles DIMMER, Tessy SCHLESSER-THEIS, Denis DIMMER



Foto: Charles Caratini

Ech soen alle Wielerinnen a Wieler, déi mir bei de Chamberberwalen hiert Vertraue geschenkt hunn, e ganz grouse Merci an ech versécheren allen Awunner, datt ech mech och an Zukunft als Sektionspresidentin vun der CSV an als Deputéiert vum Osten voll a ganz wäert fir meng Gemeng a fir d'ganz Regioun asetzen.

Françoise HETTO-GAASCH

Presidentin vun der Lënster CSV
Deputéiert aus dem Bezierk Osten

Léif Awunner vun der Lënster Gemeng,

Schon een Drëttel vun der Amtsperiod vun eisem Gemengerot ass eriwwer, an elo soll ee mol e Bléck no hanne geheien, fir ze kucken, wat bis elo gelescht ginn ass. A ganz éierlech: D'Resultat léisst sech weisen.

D'Majoritéit ass um gudde Wee, fir dat, wat an der Schäfferots-erklärung steet, auszeféieren. Finanziell gesi stellt sech do kee Problem, well d'Gemengefinanze sinn an engem gudden Zoustand. Déi lescht Joeren ass eng virsichteg awer couragéiert Finanzpolitik gemaach ginn; eis Gemeng steet gutt do!

D'Majoritéit ass sech bewosst, dass si weiderhi muss virsechteg mat de Gemengefinanzen ëmgoen, well déi ordinär Depense klamme lues awer sécher an deenen nächste Joeren. De Spillraum, dee mer hunn, gëtt méi kleng, bleift awer grouss genuch fir et z'erméiglechen, flott Projeten ze realiséieren.

Eis Gesellschaft, eis Familljen hu sech geännert, a Staat a Gemenge ginn ëmmer méi gefuerdert, fir de Leit d'Méiglechkeet ze ginn, hiert Familljeliewen esou ze gestalten, wéi si et fir richtig an och dacks fir noutwendeg fannen.

Eisen Natur- an Ëmweltschutz spillt ëmmer méi eng wichteg Roll an eisem Liewen an doduerch och an der Gemegepolitik. Wa mer bereet sinn, den nächste Generatiounen eng Welt ze hannerloossen, wou et sech nach gutt dra liewe léisst, da mussen mer och mat a Kaf huelen, dass op deem Plang ëmmer méi Käschten op eis duerkommen.

All Matbierger (nei Awunner, Ausländer, Behënnerter, Kleng a Grouss) muss seng Plaz an eiser Gesellschaft fannen an d'Geleeënheet kréien, sech aktiv an eis lieweg Gesellschaft kënnen anzebréngen.

Eis Gemeng gëtt méi grouss, an duerfir brauche mir och ëmmer méi Personal, fir all déi wichteg Aufgaben, déi eng Gemeng nun eemol huet, z'erfëllen. Mir müssen awer och oppassen, datt d'Käschten och nach an Zukunft kënnen gedroe ginn, an dat gëllt besonnesch

beim Personal, wou mer gutt a genuch Mataarbechter brauchen, awer mir sollen och nëmmen dat Personal engagéieren, wat mer wierklech brauchen.

D'CSV ass a bleift de Motor am Gemengerot. Si leeft vun der Vergaangenheet, awer och an der Géigewaart an haaptsächlech fir d' Zukunft.

Ee wichtige Punkt zu Lënster sinn d'Parkplazen, well ouni Parkplazen am Zentrum kënnen mer déi «Jong-Mëtt-Lënster» vergiessen. Mir brauchen och nach weider Parkplazen an der «Laangwiss». Wéi wier et mat engem Parkhaus, do, wou elo de Parking beim «Centre polyvalent Gaston Stein» ass? Da kënn den aktuelle Parking nach zum gréissten Deel erhalen bleiwen.

E flotte «Foyer de Jour» fir eis Puppelcher kënn mer an der Géigend vum Footballsterrain opriichten.

Deen Dag kënn, wou eis Schoulen ze kleng ginn. Duerfir kënn d'CSV sech virstellen, eng nei Maison Relais an der Loupëscht ze bauen; doduerch kréije mer Säll an der «neier Schoul» fräi fir d'Grondschoul, esou wéi et jo geplangt war.

An der «Jong-Mëtt-Lënster» wier et flott fir eis Leit, wa mir e Gebai hätten, wou eng Rei vun eisen Dokteren – an och eventuell eng Apdikt – sech géingen néierloossen, an zwar Generalisten a Spezialisten.

De Projet «senioren- a behënnergerecht Wunnen» muss sou ausgeféiert ginn a muss esou funktionnéieren, datt eng Persoun mat enger normaler Pai oder Pensioun sech dat ka leeschten.

D'CSV schléift net, dat do sinn e puer vun deene Projeten, déi si an deenen nächste Joere wëll realiséieren, am Interessi vun eis alleguerten.

D'CSV aus der Gemeng Jonglënster



**A weider biergop
mat der CSV aus der Gemeng Jonglënster!**